

ТАНЛОВ ТЎҒРИСИДА БИЛИШ ЛОЗИМ БЎЛГАН МАЪЛУМОТЛАР

1. Конкурса ким қатнаша олади?

Конкурса камида бакалавр даражасига эга бўлган олий маълумотли ёш мутахассислар* қатнашишлари мумкин.

**фақатгина эълон қилинган мутахассисликлар бўйича*

2. Конкурса чет эл фуқароси қатнаша оладими?

Танловда фақат Ўзбекистон фуқаролари қатнашиш ҳуқуқига эга.

3. Ёш жиҳатидан чегараланишлар борми?

Танловда 35 ёшдан катта бўлмаган фуқаролар қатнашиш имкониятига эга.

4. Қатнашувчига қўйилган талаблар?

Фонд грантини қўлга киритишни истаган республикамиз ҳамда чет эл олий таълим муассасаларини муваффақиятли битирган иқтидорли ва истеъдодли йигит-қизлар (*кейинги матнда номзодлар*)га қўйиладиган асосий талаблар:

фаолиятини миллий истиқлол ғояларига бағишлаш, Ватани ва халқининг иқтисодий ва маънавий равнақига хизмат қилишни ўз бурчи ва ҳаётини маслаги деб билиш;

умумбашарий ва миллий қадриятлар руҳида фикр юритиш, кенг дунёқараш ва юксак ахлоқ соҳиби бўлиш;

танлаган мутахассислиги бўйича чуқур билимга эга бўлиш ҳамда камида битта хорижий тилни аъло даражада билиш.

Ўзбекистонни, унинг маориф мактаби ва илмий анъаналарини чет элда муносиб тақдим этиш, танланган мутахассислик бўйича замонавий билимларни эгаллаш қобилиятини намоён этиш.

5. Қайси ўқув тизимлари бўйича таҳсил олса бўлади?

Қатнашчилар (2 йилдан ортиқ бўлмаган) магистратура дастури бўйича таҳсил олиш имкониятини қўлга киритиш учун танловда қатнашадилар.

6. Қайси чет эл давлатларида таҳсил олиш имконияти берилади?

Европа ва Россия олий таълим муассасаларида.

7. Қандай йўналишлар бор?

Номзодлар қуйидаги йўналишлардан бирида магистратура дастурида ўқиш имконияти берувчи танловда иштирок этадилар:

1. Қайта тикланувчан энергия манбалари.
2. Кимё. Кимё технологияси.
3. Сув ва ер ресурсларини бошқариш.
4. Машинасозлик технологиялари.
5. Архитектура. Бино ва иншоатларни қуриш.
6. Автомобиль йўллари, кўприklar, тоннеллар, йўл ўтказгичлар ва аэродромларни лойиҳалаш ва қуриш.
7. Текстиль саноати технологиялари ва ускуналари.
8. Туризм хизматларини ташкил этиш ва бошқариш.

9. Ахборот хизматлари ва жамоатчилик билан алоқалар.

8. Ҳужжатлар рўйхати?

Ислом Каримов номидаги республика хайрия жамоат фонди грантини олиш бўйича танловда иштирок этиш учун талаб этилаётган ҳужжатлар рўйхати:

№	Ҳужжат номи
1.	Фонд томонидан тасдиқланган шаклдаги танловда иштирок этишга ариза
2.	Танлов иштирокчисининг шахсий анкетаси
3.	Танлов иштирокчиси томонидан имзоланган «Чет эл олий таълим муассасидан магистрлик дастури бўйича таҳсил олиш учун Каримов фонди грантини олиш бўйича ўтказиладиган III-танлов Низоми» Кўчирмаси
4.	Олий таълим муассасаси ректори (ташкилот, корхона, муасаса раҳбари) номидан танловда муносиб номзод сифатида иштирок этиши тўғрисидаги Тавсиянома ёки олий таълим муассасидан охири босқичда муваффақиятли таҳсил олаётганлиги тўғрисида маълумотнома
5.	Паспорт рангли нусхаси
6.	Олий таълим муассасасини битирганлиги тўғрисидаги диплом нусхаси

9. Ҳужжатлар қабули қачон бошланади?

Ҳужжатлар 2018 йилнинг 5-24 Ноябрьгача онлайн тарзда қабул қилинади.

10. Фонд қаерда жойлашган?

Ислом Каримов номидаги республика хайрия жамоат фонди қуйидаги манзилда жойлашган: Тошкент шаҳар, Мирзо Улуғбек тумани, Мовароуннаҳр кўчаси, 24-уй.

а. Қандай етиб олса бўлади?

Фондга жамоат транспортдан метро ёрдамида (Ҳамид Олимжон станцияси) етиб олса бўлади (қулайлик учун харитага қаранг)

б. Манзил харитаси?



с. Мўлжал:

Мирзо Улуғбек истироҳат боғи, Банк-молия академияси биноси, “Сен ёлғиз эмассан” хайрия жамоатчилик фонди биносида.

11. Фонд иш соатлари?

Иш кунлари: душанба-жума

Иш вақти: 9:00 – 13:00

12. Танлов нечта босқичдан иборат?

Танлов тўрт босқичдан иборат.*

1	2	3	4
Чет тилидан сараловчи имтиҳон	Танланган мутахассислик бўйича имтиҳон	Мутахассислик бўйича оғзаки имтиҳон ҳамда маънавий психологик ҳислатларни аниқловчи суҳбат	Чет тилидан хал қилувчи расмий имтиҳон

*Агар қатнашчиларнинг сони кўпайиб кетса, ҳаққонийлик асносида муносиб номзодни аниқлаш мақсадида *чет тилида танланган мутахассислиги бўйича қўшимча ёзма имтиҳон* ўтказилади.

13. Имтиҳонлар:

а. Қаерда бўлиб ўтади?

Имтиҳон бўлиб ўтадиган манзил олдиндан фонд биносидаги маълумот деворида ҳамда фонднинг Telegram - каналида мунтазам равишда эълон қилинади.

б. Имтиҳон топшириш учун қандай ҳужжатлар керак?

Қатнашчи имтиҳонга паспорт (оригинал) олиб келиши шарт.

с. Ким ўтказади?

Ҳар бир имтиҳон махсус таклиф этилган тегишли соҳада кўп йиллик амалий тажрибага эга бўлган малакали мутахассислар, тегишли соҳа йўналишидаги олий таълим муассасалари профессор-ўқитувчилари томонидан ўтказилади.

д. Имтиҳон натижаларини ким текширади?

Имтиҳонларни ҳамкор ташкилотлардан бириктирилган ҳамда мутахассис профессор-ўқитувчилардан иборат махсус ташкил этилган гуруҳ аъзолари текширади.

е. Қаерда эълон қилинади?

Натижалар фонднинг Telegram – каналида мунтазам равишда эълон қилинади.

14. Қатнашчининг махсус чет тили билим савиясини тасдиқловчи халқаро тоифадаги сертификати бўлса имтиҳон топшириш шартми?

Ҳа, шарт. Чет тил билим савиясини тасдиқловчи халқаро тоифадаги сертификат инобатга олинмайди.

15. Тавсиянома керакми?

Керак. Тавсиянома олий таълим муассаси ректори (ёки корхона, ташкилот, муассаса раҳбари) томонидан қатнашчи танловда иштирок этиши учун тақдим этилиши лозим.

16. Бир нечта мутахассисликларга бирданига топширса бўладими?

Қатнашчи фақат битта мутахассисликга ҳужжат топшириш ҳуқуқига эга.

17. Танлов давомида йўналишни ўзгартирса бўладими?

Бирламчи танланган мутахассислик йўналишини танлов мобайнида ўзгартириш мумкин эмас.

18. Фонд билан қандай боғланса бўлади? Маълумот учун қаерга мурожаат қилиш керак?

Танлов масаласида фонд ишчи гуруҳига қуйидаги телефон рақамлари орқали муурожаат қилишингиз мумкин: **237-34-20, 237-38-13.**

19. Фонд стипендиатига қандай мажбуриятлар қўйилади?

Фонд стипендиати билан махсус шартнома тузилади, унга асосан стипендиат ўқишни муваффақиятли битиргач, Ўзбекистонга қайтиб, фонд белгилаган корхона/муассасада 5 (беш) йил ишлаб бериш мажбуриятини ўз зиммасига олади.